
Oinsá bele hetan asisténsia

se karik ita hetan
violénsia doméstika
ka violénsia seksuál



Iha Tasmania violénsia doméstika no violénsia seksuál ne'e hahalok kontra lei.

Importante atu hatene kona-ba saida mak violénsia doméstika no violénsia seksuál iha Tasmania no oinsá Ita bele hetan asisténsia se Ita sofre violénsia hirak ne'e ruma durante Ita iha Tasmania.

Iha fatin no organizasaun sira iha Tasmania ne'ebé estabesidu atu ajuda ema sira ne'ebé dala ruma sofre ona ka sofre daudaun violénsia doméstika ka violénsia seksuál.

Se Ita enfrenta **emerjénsia ne'ebé fó ameasa ba ita-nia vida, telefona 000** (zero dala tolu) no fó-hatene operadór kona-ba saida mak akontese no Ita-nia lokalizasaun, no Polísia Tasmania ka ekipa resposta emerjénsia nian sira seluk sei bele ajuda Ita.

Violénsia Seksuál

Violénsia seksuál mak hahalok ida ho natureza seksuál hasoru ema ida ne'ebé halo sira sente la konfortável, laran-susar ka ameasadu no sira seidauk akorda ho hahalok ne'e.

Violénsia seksuál inklui hahalok seksuál oioin ne'ebé ema lakohi, lahó konsentimentu, traumátiku no halo aat, inklui:

- Asédiu seksuál
- Abuzu ne'ebé fasilita ho teknolojia
- Re'i ema, maibé ema ne'e lakohi
- Kaer ema nia isin ho natureza seksuál
- Koersaun
- Agresaun seksuál, inklui violasaun seksuál
- Abuzu seksuál ba labarik

Violénsia doméstika

Iha Tasmania violénsia doméstika inklui kualkér hahalok violénsia, abuzu (emosionál no fíziku) ka hahalok kontrolu husi ema ida hasoru nia kónjuge atuál ka eis-kónjuge ka parseiru íntimu.

Ne'e la'ós de'it violénsia fízika no bele inklui:

- Agresaun, inklui agresaun seksuál
- Ameasa
- Koersaun
- Intimidasaun
- Abuzu verbál
- Raptu
- Persegisaun
- Bullying (intimidasaun)
- Abuzu ekonómiku
- Abuzu emosionál
- Viola orden ezistente ruma relasiona ho violénsia doméstika
- Danus materiál
- Tentativa atu komete hahalok ruma ne'ebé temi iha leten.



Hetan asisténsia

Telefona ba polísia iha número **000** se Ita enfrenta emerjénsia ne'ebé fó ameasa ba ita-nia vida.

Liña Telefónica Asisténsia Polísia ba situasaun ne'ebé la'ós emerjénsia, oras 24 loron hitu semana ida iha número **131 444**

Atu hetan asisténsia seluk bele telefona:

Servisu Apoiu no Akonsellamentu kona-ba Violénsia Doméstika
1800 608 122

Tuku 9 dadeer–tuku 12 kalan (Segunda to'o Sesta)

Tuku 4 lokraik–tuku 12 kalan (findesemana no feriadu públiku)

Liña Telefónica ba Resposta Referrál ba Violénsia Doméstika, oras 24 loron 7 semana ida iha número **1800 633 937**

Servisu Estaduál ba Krize Agresaun Seksuál iha Tasmania tomak oras 24 loron 7 semana ida iha número **1800 697 877**

